

վարչական տույժ նշանակելու մասին

24 հունվարի 2023թ.

ք.Գյումրի

ՀՀ ՊԵԿ Հյուսիսային մաքսատուն-վարչության պետ Հայկ Միրզոյանս, քննելով քաղաքացի Ռազմիկ Հարությունի Չիչոյանի (անձնագիր՝ AR0330405, հասցե՝ ք.Երևան, Մալաթիա-Սեբաստիա, Հաղթանակ 7-րդ փողոց, տուն 5) կողմից մաքսային կանոնների խախտում կատարելու վերաբերյալ նյութերը.

Պ Ա Ր Զ Ե Ց Ի

Ռազմիկ Հարությունի Չիչոյանը 21.11.2022 թվականի թիվ 05100022/211122/0045212 TT/IM տեսակի տարանցման հայտարարագրով ՀՀ տարածք է ներմուծվել մարդատար մեքենայի շարժիչ, որի նշանակման մաքսային մարմին՝ Հյուսիսային մաքսատուն-վարչություն հասցնելու վերջնաժամկետը 01.12.2022 թվականն է:

Մաքսային հսկողության ներքո գտնվող բեռը և ուղեկցող փաստաթղթերը Հայաստանի Հանրապետության մեկ մաքսային մարմնից մյուս մաքսային մարմին սահմանված ժամկետում չեն հասցվել:

Դեպքի կապակցությամբ 05.12.2022 թվականին Ռազմիկ Հարությունի Չիչոյանի նկատմամբ կազմվել է արձանագրություն «Մաքսային կարգավորման մասին» ՀՀ օրենքի 305-րդ հոդվածի հատկանիշներով:

Գործի քննությունը նշանակվել է 24.01.2023 թվականին ժամը 12:00-ին: Արձանագրության և ծանուցագրի օրինակը պատշաճ կարգով ուղարկվել է կողմին: «ՀԱՅՓՈՍ» ՓԲԸ-ի կողմից ծրարները հետ են վերադարձվել՝ «չպահանջված» գրառումներով:

Սույն վարույթի շրջանակներում Ռազմիկ Հարությունի Չիչոյանի հաշվառման վայրի վերաբերյալ ՀՀ ՊԵԿ Հյուսիսային մաքսատուն-վարչության պետի 07.12.2022 թվականի թիվ /27.2/89133-2022 գրությամբ հարցում է կատարվել ՀՀ ոստիկանության անձնագրային և վիզաների վարչություն՝ Ռազմիկ Հարությունի Չիչոյանի հաշվառման վայրի մասին տեղեկություններ տրամադրելու վերաբերյալ: ՀՀ ոստիկանության անձնագրային և վիզաների վարչության 12.12.2022 թվականի թիվ 66633-2022 գրության համաձայն՝ Ռազմիկ Հարությունի Չիչոյանը (ծնված՝ 03.01.1992թ.) 06.06.2012 թվականից հաշվառված է ք.Երևան, Մալաթիա-Սեբաստիա, Հաղթանակ 7 փող., տուն 5 հասցեում:

ՀՀ ՊԵԿ գլխավոր քարտուղարի 07.12.2022 թվականի թիվ 1/27.2/89136-2022 գրությամբ հարցում է կատարվել ՀՀ կադաստրի կոմիտե՝ քաղաքացու անվամբ գրանցված գույքի վերաբերյալ՝ ըստ հասցեի: ՀՀ կադաստրի կոմիտեի 13.12.2022 թվականի թիվ 67118-2022 գրությամբ տեղեկացվել է, որ ըստ Կադաստրի կոմիտեի էլեկտրոնային արխիվի տվյալների քաղաքացի Ռազմիկ Հարությունի Չիչոյանի անվամբ

անշարժ գույքի նկատմամբ իրավունքի պետական գրանցում ՀՀ տարածքում կատարված է:

ՀՀ ՊԵԿ Հյուսիսային մաքսատուն-վարչության պետի 06.12.2022 թվականի թիվ Ն/27.2/216459-2022 գրությամբ հարցում է կատարվել ՀՀ ՊԵԿ ներքին անվտանգության վարչություն. Ռազմիկ Հարությունի Չիչոյանի սահմանատուների վերաբերյալ տեղեկատվություն ստանալու նպատակով: ՀՀ ՊԵԿ ներքին անվտանգության վարչության 09.12.2022 թվականի թիվ Ն/2-4/218729-2022 գրությամբ տրամադրված տեղեկությունների համաձայն Ռազմիկ Հարությունի Չիչոյանը 20.10.2022թ. ժամանել է ՀՀ: «Մաքսային կարգավորման մասին» ՀՀ օրենքի 332-րդ հոդվածի 2-րդ մասի համաձայն՝ մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի է նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս: Տվյալ դեպքում պարզվում է, որ ՀՀ ՊԵԿ ներքին անվտանգության վարչության տրամադրված տեղեկությունների համաձայն Ռազմիկ Հարությունի Չիչոյանը 20.10.2022 թվականին ժամանել է ՀՀ և ներկա պահին հայտնի է նրա գտնվելու վայրը:

ԵԱՏՄ մաքսային օրենսգրքի 87-րդ հոդվածի 1-ին կետի համաձայն՝ Միության մաքսային սահմանը հատելուց հետո ապրանքները պետք է փոխադրողի կամ անձնական օգտագործման ապրանքներ տեղափոխող անձի կողմից հասցվեն ժամանման վայր կամ սույն Օրենսգրքի 10-րդ հոդվածի 3-րդ կետում նշված այլ վայրեր:

ԵԱՏՄ մաքսային օրենսգրքի 144-րդ հոդվածի 1-ին մասի համաձայն՝ ապրանքները «մաքսային տարանցում» մաքսային ընթացակարգով ձևակերպելիս ուղարկող մաքսային մարմինը սահմանում է այն ժամկետը, որի ընթացքում ապրանքները ուղարկող մաքսային մարմնից պետք է հասցվեն նշանակման մաքսային մարմին (այսուհետ՝ մաքսային տարանցման ժամկետ):

Նույն հոդվածի 3-րդ մասի համաձայն՝ մաքսային տարանցման առավելագույն ժամկետը չի կարող գերազանցել 1 ամսում 2 հազար կիլոմետր հաշվարկով սահմանվող ժամկետը, կամ «մաքսային տարանցում» մաքսային ընթացակարգով ձևակերպվող ապրանքների փոխադրման առանձնահատկությունների հաշվառմամբ Հանձնաժողովի կողմից սահմանվող ժամկետը:

Օրենսգրքի 150-րդ հոդվածի 1-ին կետի 1-ին ենթակետով սահմանվում է՝ «Մաքսային տարանցում» մաքսային ընթացակարգին համապատասխան ապրանքների փոխադրման (տրանսպորտային փոխադրման) ժամանակ փոխադրողը, անկախ այդ մաքսային ընթացակարգով ձևակերպված ապրանքների հայտարարատուն լինելու հանգամանքից՝ բացառությամբ սույն հոդվածի 2-րդ կետում նշված դեպքի, պարտավոր է՝ ուղարկող մաքսային մարմնի կողմից սահմանված ժամկետում ապրանքներն ու դրանց փաստաթղթերը հասցնել ապրանքների առաքման վայրը՝ հետևելով ապրանքների փոխադրման (տրանսպորտային փոխադրման) սահմանված երթուղուն, եթե այդպիսին սահմանված է:

Օրենսգրքի 151-րդ հոդվածի 1-ին մասի համաձայն՝ «մաքսային տարանցում» մաքսային ընթացակարգի գործողությունն ավարտվում է ուղարկվող մաքսային մարմնի կողմից սահմանված՝ ապրանքների առաքման վայր ապրանքները հասցնելուց հետո:

Օրենսգրքի 154-րդ հոդվածի 1-ին մասի համաձայն՝ «Մաքսային տարանցում» մաքսային ընթացակարգով ձևակերպված բոլոր ապրանքները և դրանց առնչվող փաստաթղթերը ապրանքների առաքման վայր չհասցնելու դեպքում սույն Օրենսգրքի 150-րդ հոդվածում նշված անձինք պատասխանատվություն են կրում այն անդամ պետության օրենսդրությանը համապատասխան, որի մաքսային մարմինը, «մաքսային տարանցում» մաքսային ընթացակարգին համապատասխան, իրականացրել է ապրանքների բացթողումը:

Ապրանքների՝ «մաքսային տարանցում» մաքսային ընթացակարգին համապատասխան փոխադրման (տրանսպորտային փոխադրման) ժամանակ պարտականությունները չկատարելու այլ դեպքերում, այդ թվում՝ «մաքսային տարանցում» մաքսային ընթացակարգով ձևակերպված ապրանքների մի մասը տեղ չհասցնելու դեպքում սույն Օրենսգրքի 150-րդ հոդվածում նշված անձինք պատասխանատվություն են կրում այն անդամ պետության օրենսդրությանը համապատասխան, որի տարածքում հայտնաբերվել է խախտումը:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

«Մաքսային կարգավորման մասին» ՀՀ օրենքի 305-րդ հոդվածի համաձայն՝ մաքսային հսկողության ներքո փոխադրվող ապրանքները կամ տրանսպորտային միջոցները կամ դրանք ուղեկցող փաստաթղթերը մաքսային մարմին չհասցնելը, մաքսային մարմնի սահմանած մաքսային տարանցման ժամկետը կամ տարանցման երթուղին չպահպանելը կամ ապրանքները կամ տրանսպորտային միջոցները մաքսային մարմնի սահմանած առաքման վայրից տարբերվող այլ վայր հասցնելը առաջացնում է տուգանք՝ հարյուր հազար դրամի չափով:

Այսպիսով, վարույթի նյութերով հիմնավորվում է, որ Ռազմիկ Հարությունի Չիչոյանի անվամբ թիվ 05100022/211122/0045212 TT/IM տեսակի տարանցման հայտարարագրով ՀՀ ՊԵԿ Հյուսիսային մաքսատուն-վարչությունում ձևակերպված տրանսպորտային միջոցը և ուղեկցող փաստաթղթերը Ռազմիկ Հարությունի Չիչոյանի կողմից սահմանված ժամկետում չեն հասցվել նշանակման վայր, որի արդյունքում թույլ է տվել «Մաքսային կարգավորման մասին» ՀՀ օրենքի 305-րդ հոդվածով նախատեսված մաքսային կանոնների խախտում, ինչը հիմնավորվում է կազմված արձանագրությամբ և թիվ 05100022/211122/0045212 TT/IM տեսակի տարանցման հայտարարագրով:

Ելնելով վերոգրյալից և ղեկավարվելով «Մաքսային կարգավորման մասին» ՀՀ օրենքի 305-րդ, 322-րդ և 334-րդ հոդվածներով՝

Ո Ր Ո Շ Ե Ց Ի

1. «Մաքսային կարգավորման մասին» ՀՀ օրենքի 305-րդ հոդվածի հատկանիշներով նախատեսված մաքսային կանոնների խախտում կատարելու համար Ռազմիկ Հարությունի Չիչոյանի նկատմամբ նշանակել վարչական տուգանք՝ 100.000 ՀՀ դրամի չափով (վարչական տուգանքն անհրաժեշտ է փոխանցել 900005024055 հաշվեհամարին, նշելով Հյուսիսային մաքսավորում-վարչության կողմ՝ 28):
2. Որոշման մասին հայտնել Ռազմիկ Հարությունի Չիչոյանին:
3. «Մաքսային կարգավորման մասին» ՀՀ օրենքի 334-րդ համաձայն որոշումն ուժի մեջ է մտնում այն կայացնելու պահից և կարող է վերադասության կարգով բողոքարկվել «Մաքսային ծառայության մասին» օրենքի 37-րդ հոդվածի համաձայն կամ ՀՀ վարչական դատարան՝ երկամսյա ժամկետում:

ՀՅՈՒՍԻՍԱՅԻՆ
ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



ՀԱՅԿ ՄԻՐՉՈՅԱՆ

Ստացա որոշման օրինակը

(ստորագրություն)

(անուն, ազգանուն)

< > 2023թ.